

MPIKISANO

Njira Zake ndi zosamvetsetseka, si choncho? Ambuye wodabwitsa! Ndi zokoma bwanji kumudalira Iye. Ndine wotsimikiza basi kuti inu munali ndi nthawi yopambana usikuuno. Ndipo basi pamene ndimatsegula chitseko apo mphindi pang'ono zapitazo ndipo ndimamumva Mlongo Gertie akuyimba nyimbo yakale ija, *Pitirirani Kugwiritsitsa, Basi Ora Limodzi Lina*, zinabweretsa zikumbutso za mpingo wanga waung'ono, momwe iwo unali ine ndisanachoke nthawi yina kuti ndipite mminda ya ntchito ya umishonare. Ine ndikuyang'ana tsopano pa chakuti "Muyambe Mwafunakaye Mulungu" patsogolo apa pa chipupa chakale ichi, ine ndikukumbukira Sammy Davidson anapenta zimenezo pamene po pafupifupi zaka twenty-faivi zapitazo, kumbali inayo ine ndikuganiza icho chiru ndi, "Kodi Inu Muyaya Mudzakakkhalira Kuti? Taganizani!" Ndipo pomwe *apa* panali a—a "Mkazi Pa Chitsime," ndi, "Daniele Mu Khola La Mikango." Oh, mai! Zinthu zambiri zachitika kuyambira nthawi imeneyo.

² Basi pafupifupi faivi koloko madzulo ano ine ndinalandira foni yaddidzidzi imene inabwera kuchokera pafupifupi sate, mamailosi forte kumusi kwa dzikoli kuno, ya mkazi amene amafa, ndipo mzanga wofunika kwambiri, amayi ake a Georgie Carter. Ndipo ine ndimadziwa kuti kunali atumiki ambiri kuno oti agwirizize mpaka ine nditabwerera. Edith wakhala asakupeza bwino, nayenso. Ndipo pamene ife tinali kumeneko, Ambuye Mulungu anadzasunthira powonekera, ndipo Mlongo Carter watalikirana nayo imfa mitunda yaitali. Chotero, chotero ndife woyamikira chifukwa cha zimenezo.

³ Ndipo tsopano ikufika nthawi ya utumiki wa mgonero posakhalitsapa, ine ndikuganiza ndi pafupifupi thwelofu koloko pamene iwo azitero. Kodi inu mwakonza kuti muchita zimenezo nthawi yanji? [M'bale Neville akuti, "Nthawi iliyonse, kuyambira tsopano nthawi iliyonse mpaka ikamadutsa hafu pasiti leveni."—Mkonzi]. Basi nthawi iliyonse imene ife... Ndi angati amene ati adye mgonero usikuuno, tiwone manja anu. Ndizo, oh, izo nzodabwitsa. Chabwino, ine ndikufuna kuti ndiyankhule mawu kapena awiri. Mwinamwake ine ndiyika wotchi yanga apa kwa pafupifupi maminiti teni, fiftini, ife tiyamba mgonero. Tsopano, kodi inu mumamukonda Iye? [Osonkhana akuti, "Ameni."—Mkonzi]. Ameni. Ndipo ine ndikudziwa inu mwakhala muli ndi nthawi yopambana, sichoncho inu?

⁴ Chabwino, ngati pano palibe M'bale Thomas Kidd, ndi Mlongo Kidd, ochokera komwe ku Ohio. Ine ndikuganiza iwo ayimirira kale. Oh, izo ndi zabwino, ine ndikuganiza

izo ziri pa tepi ndipo ine ndikazipeza izo. Inu mukudziwa, iwo sakugonja. Iwo angotsala basi masiku pang'ono kuti afike handiredi, koma—koma ndicho chimene chimandipangitsa ine kukhala wolumba mtima, ndicho kuwawona anthu ngati amenewo. Ndimaganiza, ndine bambo wokalamba, ndipo ine ndisanabadwe iwo anali akulalikira Uthenga. Ndiyeno ndine pano bambo wokalamba, ndipo iwo, ngati iwo satuluka ndi kumakakweza mawu awo, iwo amangotenga tepi rekoda ndi kumapita chipatala ndi chipatala, nyumba ndi nyumba, kulalikira Uthenga. Izo ndi zabwino mwamphamvu. Ameni. Motsimikiza ndine wokondwa ndithudi chifukwa cha iwo ndi chifukwa cha iwo onse amene achitapo mu misonkhano iyi pano.

⁵ Tsopano, kumbukirani, ife tilengeza izo tsopano, Ambuye akalola, basi mwamsanga tikangotsirizitsa tchalitchichi, chimene iwo akumena kuti padzakhala mma teni Feburuwale, bwanji, ndife, Ambuye akalola, ife tikufuna kudzatenga pafupifupi masiku eyiti kapena teni, kapena mwinamwake masabata awiri, pa *Zisindikizo Zisanu Ndi Ziwiri* za Chivumbulutso zimenezo. Ndipo ife tidzalengeza makadi kwa anthu athu odzacheza ochokera kozungulira, ochokera kwathu kuno, ndipo tidzawadziwitsa iwo nthawi yochuluka mtsogolo kuti ngati iwo angafune kubwera, chabwino, ife ndithudi tidzakhala okondwa kudzakhala ndi inu kuno. Ndipo mwinamwake Ambuye adzatipatsa ife chiwonetsero china cha Kukhalapo Kwake monga Iye anachitira nthawi yomalizira pamene ife tinkamalizitsa *Mibadwo Isanu Ndi Iwiri Ya Mpingo*.

⁶ Inu mukufuna mutamupempherera winawake, bwanji, muzindikumbukira ine nthawi zonse, chifukwa ndine amene ndikuwafuna iwo kwenikweni. Tsopano, ine ndikukhala ngati ndikudzichitira ndekha manyazi, kuti nditenge maminiti teni awa, fifitini apa, kuti ndinene chinachake chaching'ono ife tisanayambe, koma tiyen'i tiveramitse mitu yathu mphindi chabe.

⁷ Ambuye Yesu, oh, nkhondo idzakhala itatha tsiku lina, ndipo sipadzakhalanso odwala oti apemphereredwe, ndipo sipadzakhalanso ochimwa oti alape. Koma, Atate, pamene tsiku ili liri chimene ilo liri, mutilole ife tigwire ntchito pamene ife tikadali nako kuwala kuti tigwiremo ntchito, pakuti ora likudza limene munthu aliyense sadzagwira ntchito. Tsopano, kwa mphindi pang'ono chabe, Ambuye, ine ndikanamverera moyipa ngati ine ndikanati ndisatero, ndikanatsekera chaka ichi wopanda kunena mawu pang'ono owonjezera. Ndithandizeni ine, Atate, ine ndikupemphera, kuti ine ndithe kunena chinachake chimene chingadzale kulimbamtimu mu mtima wa anthu Anu, kuti ife tithe kuchoka pano usikuuno titatha kudya mgonero, ndipo ife tikuzindikira kuti mu mgonero mumakhala mphamvu. Israeli anadya mgonero koyamba ali mu Igupto, ndipo anayenda zaka forte nsapato zawo osatha kapena

zovala zawo kuperepeseka. Ndipo, mwa anthu thuu millioni, panalibepo wofooka pakati pawo pamene iwo ankatuluka mu chipululu. Ambuye, mutilole ife tizikumbukira zimenezo usikuuno pamene ife tikuyandikira ora lalikulu ili. Mu Dzina la Yesu ife tikupemphera. Ameni.

⁸ Ngati ine ndingayankhule phunziro limene ine ndinali nditalemba kuti ndidzayambirepo madzulowa, ife tingakhale pano mpaka faivi koloko mmawa. [Winawake akuti, “Izo zingakhale zabwino.”—Mkonzi]. Koma ine ndikufuna kuti ndingowerenga Mawu kuchokera...[“Izo zingakhale zabwino.”] Zikomo inu. Kuchokera ku Aefeso, mutu wa 6, ndime ya 12, ndipo basi kwa mphindi pang’ono chabe tsopano, kuti tilimbiksane.

Pakuti ife sitimenyana molimbana ndi thupi ndi magazi, koma molimbana ndi maudindo, molimbana ndi mphamvu, molimbana...olamulira a...mdima wa dziko lino, molimbana ndi uthakati wauzimu mmalo ammwambawamba.

⁹ “Uthakati wauzimu mmalo ammwambawamba.” Ndipo ine ndikufuna kuti nditengepo kuchokera pamene po phunziro laling’ono la maminiti teni kapena fifitini, kapena mutu, kani, ine ndikufuna kuwutchia iwo: *Mpijisano*. Mpikisano ndiko kupimana mphamvu. Ndipo ife, pamene ife timakhala ndi...kupimana mphamvu. Ife tinkakhala ndi...Amwenye ankakonda kuyatsa moto, ndipo iwo ankaika anthu ochuluka kwambiri kumapeto a mbali *iyi* ya chingwe, ndi ochuluka kwambiri kumapeto a mbali *iyi*, ndipo nku—nkumakokerana chingwe, mpikisano wopimana mphamvu, ankakokera mbali yogonjayo pamoto. Ndipo tsopano ife tikudziwa kuti pali zinthu zambiri, ndipo tikhaza kuzikhazikitsa izi kwa maminiti pang’ono, za—za mpikisano, koma ine ndikufuna kuti ndiyankhule kwa maminiti awa mwamsanga pa mpikisano wawukulu umene ulipo, ndiwo, pakati pa Mpingo ndi Satana. Mphamvu yaikulu ija ya Satana. Ndipo ife tikufuna kuti tiyankhule za mphamvu yaikulu ya Mulungu mu Mpingo Wake.

¹⁰ Tsopano, mpikisano wawukulu uwu wakhala ukuchitika kwa zaka zambiri. Iwo unayambira Kumwamba, ndipo Satana anathamangitsidwira pa dziko lapansi, ndipo atatero iye anadzakhala mdani wa anthu a Mulungu. Ndipo, kuyambira pamene po, iye wakhala akugwiritsa ntchito mphamvu zake zonse ndi njira zake kuyesetsa kuti awakokere anthu a Mulungu kudutsa pa moto, kapena, alowe pa moto wake.

¹¹ Ndipo ife tikumudziwa iye Amene ali ndi mphamvu yochuluka, Mulungu ali nazo. Ndipo Mulungu, pamene Iye anawapatsa anthu Ake Chinthu chopambana chimene Iye akanatha kuti amumenyere nacho Satana, chinali Mawu Ake. Tsopano, chifukwa Mawu ndi Mulungu, ndipo ndi ndani

wamphamvu kuposa Mulungu? Chotero, Mawu ndi Mulungu, ndipo Mawu akukhala mphamvu zathu. Mulungu mu Mpingo, amakhala Mphamvu yake kuti amukokere Satana ku moto wake womwe umene iye wawupanga. Ndipo kukokeranako kukupitirirabe. Tsopano, Yesu anati, mu Marko 16, “Mu Dzina Langa iwo adzaturutsa ziwanda.”

¹² Tsopano, ine ndikudziwa kuti awo ndi maneno akale amene anthu, kapena, pali maneno akale amene...ndipo iwo si akale kwambiri, tingatero. Anthu lero sakumakhulupirira za ziwanda. Koma chinthu choyenera kuchita, mwa kuganiza kwanga, ndi kumudziwa mdani wako. Ndi—ndipo ukamudziwa mdani wako, ukonzekera mpikisano umene inu muti mukhale nawo pamene inu mukumane naye iye, chifukwa inu mukumana naye iye. Ndipo kumudziwa iye, kudziwa zake...kudziwa chimene mphamvu yake ili, ndipo mukatero mukonzekera mpikisano uwu pamene inu mukukakumana naye iye. Pakuti ndicho chinthu chimodzi chotsimikizika, inu ndithudi mukumana naye iye, ndipo kotero inu muzikonzekera mpikisanowo.

¹³ Tsopano, kukonzekera mpikisano zimakhala chimodzimodzi monga wankhonya. Wake—mdani wake amene iye ati akakumane naye kunja uko mu mpikisano, kuti akamumenye, womenya wabwino weniweni kawirikawiri amamudziwa ndipo amamuwerenga mdani wake. Iye amaphunzira njomba zake, amadziwa pamene iye amamenyera, kaya iye amatsamira kutsogolo, amapindikira mmbuyo, amamenyera dzanja-lakumanja kapena dzanja-lakumanzere. Iye amaphunzira zonse izi. Ndipo kenako iye akakhala womenya wabwino, wanzeru, iye amadzitengera wophunzitsa amene angamenye mmene mdani wake amamenyera, chifukwa akatero iye adziwa njomba zake zonse pamene iye ati akafike pamalo amenewo.

¹⁴ Ndipo ine ndikuganiza kuti ndicho chinthu chabwino kwambiri kuti Akhristu azichita. Uko nkulondola. Ndipo tsopano ngati inu mukufuna kuti muyambe kukonzekera, muyambe ndi Yohane 3:16, Lamulo Lagolide. Muyambe ndi limenelo, ndipo ilo lidzakutengerani inu kophunzirirako. Ndipo mukatero muziphunzira nkho—nkhonya zogwetsera pansi, chifukwa inu mudzayenera kuti mukazigwiritse ntchito izo. Aliyense amadziwa zimenezo. Inu mukuyenera kuphunzira kumumenya mdani wanu. Ndipo nthawizonse, Mulungu amagwiritsa ntchito Mawu Ake. Ife tiyenera kumakumbikira kuti Mulungu amagwiritsa ntchito Mawu Ake kuti amugonjetse mdani Wake. Ngati Mulungu akanaganizira kapenaakanawapatsa anthu Ake chinachake chabwinoko kuti amugonjetsere nacho mdaniyo, Iye akanachita zimenezo. Chotero monga ine nthawizonse ndakhala ndikunenera, “Pamene Mulungu apanga chigamulo, icho chimakhala chopambana chimene chiripo. Iye samayenera kusintha zigamulo Zake.” Chotero chigamulo choyambirira chimene

Mulungu anawapatsa anthu Ake mmunda wa Edeni, choti azimumenyera nacho mdani, chinali Mawu Ake. Iwo anamangiridwa linga ndi Mawu Ake.

¹⁵ Ndipo tsopano mdani amaphunzira...mmene timachitira ndi Mawu. Ndipo, tsopano, Satana anaziphunzira zonsezoo mwangwiwo mpaka, pamene iye anadzabwera kwa Eva, iye anali ndi a—ndondomeko yapamwamba imene iye akanagwiritsa ntchito pa iye, ndipo imeneyo inali kulingalira pa Mawu. Tsopano, iwe sumayenera kuti uziwalingalira Mawu a Mulungu. Uyenera kungowakhulupirira Iwo. Osati kuyesera kuti uziwafotokoza Iwo. Osati kuyesera kuti muziwaganizira Iwo. Tsopano, inu simungamuganizire Mulungu, chotero Mulungu ndi Mawu, ndipo Iwo anangopangidwa kuti azikhulupiriridwa. Ndipo ndiyo Mphamvu yathu, muzingowavomereza Mawu. Ndipo aliyense amadziwa kuti mbewu ikakhala mu nthaka yoyenera idzabereka za mtundu wake. Ndipo ife tizingotenga Mawu.

¹⁶ Ndipo, tsopano, Eva anayamba wayima kuti alingalire, pamene iye...iye anabwereza Mawu kwa iye, anati, "Mulungu anati, 'Inu musadye za umenewo, pakuti tsiku limene inu mudzadya za umenewo' tsiku limenero ife tidzafa."

¹⁷ Ndipo Satana sanatsutsane naye konse. Iye anati, "Ndithudi, uko nkulondola." Koma iye anati, "Iwe ukuwona, iwe ukusowa Kuwala kwina kwatsopano." Chinachake chosiyanako pang'ono ndi chimene Mulungu ananena. "Ndipo ngati iwe uchita icho, iwe udzakhala wanzeru pang'ono. Maso ako adzatseguka."

Koma iye anati, "Chabwino, Mulungu anati ife tidzafa."

¹⁸ Iye anati, "Oh, ndithudi..." Mwaona, ndi zimenezoto, basi mochuluka choncho, "Ndithudi inu simudzafa." Koma Mulungu anati inu mudzafa, ndipo ndi momwemo basi! Ndipo izo—izo zinadula kukokerana kwa chingwecho pamenepo, ndipo anawukokera mtundu wonse wa anthu ku imfa, chifukwa Eva anamvetsera ku kulingalira kotsutsana ndi Mawu a Mulungu. Tsopano, ndi chamanyazi kuti iye anachita zimenezo, koma izo zinadutsa kale. Koma tsopano ife tikadali omangiridwabe linga, ndipo chilumikizo chimenecho chinakonzedwa mwa Khristu Yesu. Ife tikudziwa zimenezo. Mulungu anatipatsa ife chiterezero chathu chopambana, kuti basi mophweka tizingodalira Mawu Ake.

¹⁹ Inu mukudziwa, ndipo ambiri amanena lero kuti palibepo chinthu chotero ngati mdierekezi. Iwo amakhulupirira kuti ilo ndi ganizo chabe. Iwo amakhulupirira zimenezo. Ndipo pali anthu amene amakhulupirira kuti—kuti—kuti Mzimu Woyera ndi ganizo labwino, ndipo kuti mdierekezi ndi ganizo loyipa. Koma ngati inu mungazindikire, pamene Baibulo likuyankhula za Mzimu Woyera, iye anati, "Pamene Iye Mzimu Woyera adzadza." Ndipo "Iye" ndi puronauni ya umwini. Mukuona?

Chotero, Iye, Iye ndi Munthu. Ndipo mdierekezi ndi munthu. Ndipo ziwanda ndi anthu. Inde, izo ndi ziwanda, ndipo izo—izo zimabwera mwanjira zambiri. Koma iwo amaganiza kuti ilo ndi lingaliro lakachitidwe kachikale.

²⁰ Mwamuna anali kutsutsana nane kuno masabata pang'ono apitawo. Iye anati, "Inu mukudziwa zimene inu mumachita? Inu mumangowapangitsa malingaliro a anthu amenewo kuti aziganiza chinachake pamene inu muwauza iwo chinthu chimenecho. Iko kumangokhala kusintha kwa kaganizidwe."

²¹ Ine ndinakumana nacho chinthu chomwe chomwecho mu India nthawi ina, pamene amuna oyera amenewo uko kumene ife tinali, ine ndikukhulupirira omvetsera ochuluka kwambiri amene ine ndinayamba ndayankhulapo nawo, omvetsera amene anakhala choimirira, anthu theka la millioni, ndipo ine ndinazigwira izo mwa kuzindikira za mu mtima mu Mzimu. Ndipo iwo amawona Mzimu Woyeru ukuwaitana anthu, ndi kuwaitana iwo, kuchokera mwa omvetsera, ndi kumanena zinthu zosiyanasiyana, ndi kumagwira lingaliro lawo. Achi Raja ndi amuna oyera, iwo anati, "Iye akuwerenga malingaliro awo."

²² Chotero mphindi pang'ono, pafupifupi faiyi kapena sikisi zinali zitadutsa pa mzere wapemphero, ndipo bambo wakhungu anabwerapo. Ndipo iye anali wakhungu kwathunthu, ndipo maso ake anali oyera ngati malaya anga. Ndipo ine ndinati, "Tsopano apa pali bambo wakhungu, aliyense akutha kuwona kuti iye ndi wakhungu." Ndipo ine ndinati, "Ngati ine ndingamuthandize iye ine ndingatero, koma njira yokhayo imene ine ndingachitire izo ingakhale mwamphatso, mwinamwake kunena chinachake chimene iye anachita; ndipo zimenezo zingaperekе lingaliro lakuti ngati Mulungu akudziwa chimene iye anachita, Iye ndithudi angadziwe chimene ati achite." Chotero ine ndinati, "Tsopano, ndikumuyang'ana iye," ine ndinati, "tsopano, iye ndi wopembedza dzuwa. Iye wakhala ali wakhungu kwa zaka twente." Ndipo, pamene wotanthauzira ananena zimenezo, izo zinali zolondola. Ine ndinati, "Iye ndi mwamuna wapa banja. Iye...mkazi wake ndi wocheperapo, ndipo iye ali ndi ana aamuna awiri, wina wa pafupifupi seveni, wina naini." Izo zinali ndendende kulondola. Ndinatchula maina awo, chimene iwo anali.

²³ Kenako kuchokera mwa omvetsera, pa malo pamene anthu anakhala, panadzabwera funde limenelo, "Izo ndi zammutu, izo ndi chinachake cha dongosolo la—la kuwerenga maganizo awo mwambwebwe."

²⁴ Kenako ine ndinaganiza, "Ambuye, ngati Inu mungandithandize ine. Ine—ine ndikusowa thandizo Lanu, Ambuye. Anthu awa akuyesera kuchiyyika ichi kuti ndi kuwerenga maganizo. Ndipo si zimenezo, ndipo Inu mukudziwa izo, Ambuye." Komabe, ine ndingawapatse iwo Lemba limene

Yesu anati Iye samachita kanthu mpaka Atate atamuwonetsa Iye. Ndipo kenako, nditapotoloka kuti ndimuyang'anenso bamboyo kachiwiri, ine ndinamuwona iye pamwamba apo mu masomphenya, ali ndi maso abwino basi monga ine ndiri nawo. Ine ndinaganiza, "Tsopano nthawi yake ndi imeneyi."

²⁵ Ine ndinati, "Bambo uyu ndi wopembedza duwa, tsopano, ndipo iye anachita khungu." Ndipo ine ndinati, "Tsopano, a...Apo pali ansembe a chiMuhamadi, ndipo pali a— ansembe achiSikh, Jaini, ndi mitundu yosiyanasiyana ya zipembedzo, Buddha. Tsopano bambo uyu akufuna kuti alandire kupenya kwake. Tsopano, inu mukhoza kunena kuti iye—iye amapembedza chirengedwe mmalo mwa Mlengi. Ine ndikukhulupirira zimenezo, nanenso. Koma pano ife takhala usikuuno." Ine ndinati, "Ndipo ife takhala...lero ine ndinalandiridwa mu kachisi ya chiJaini kumene zipembedzo seventini zosiyanasiyana zinali kumeneko kuti andifunse ine mafunso, ndipo aliyense wa iwo amatsutsa Khristu, aliyense!" Ndipo ine ndinati, "Tsopano, ndipo ambiri a anthu inu munali kumeneko. Tsopano, ngati Khristu ali wolakwika kwambiri choncho, ndiye bambo uyu akufuna kukhala bwino, ndipo ndithudi Mulungu wa chirengedwe Amene anapanga dziko lapansi akhala Mmodzi yekhayo Amene angamupatse iye kupenya kwake. Izo ndi zanzerupo." Ndipo ine ndinati, "Tsopano, ngati aliyense wa anthu inu, achiMuhamadi pano ndi chimene chiri chipembedzo chotsogolera, ngati wansembe wachiMuhamadi angabwere pano ndi kudzamupatsa iye kupenya kwake, ndiye ine nditsatira chiMuhamadi, kapena ngati wansembe wachiBuddha angabwere kudzamupatsa iye kupenya kwake. Koma mulole Mulungu Amene anamupanga iye, Mulungu, Mulungu wa winawake kwinakwake, chifukwa akuyenera kukhalapo, ife sitingakhale ndi chirengedwe popanda kukhalapo Mlengi. Ndipo icho chitengera Mlengi kuti alenge kupenya mmaso awa. Iye anakhala ali wakhungu zaka twente chifukwa choyang'ana duwa, kumaganiza kuti iye angapite Kumwamba ngati attachita zimenezo. Bamboyo amachita zimenezo mosadziwa." Ine ndinati, "Kodi inu ansembe achiBuddha mungachite chiyani? Inu mukhoza kungomusintha kaganizidwe kake. Inu munganene kuti iye akulakwitsa." Iwo amapembedza makolo awo akufa. Ndipo ine ndinati, "Tsopano, inu mukhoza kuganiza kuti iye anali, inu mukhoza kunena kuti iye amalakwitsa, koma inu mungachite chiyani? Inu mukhoza kumusintha kaganizidwe kake." Ndipo ine ndinati, "Kodi achiMuhamadi mungachite chiyani? Kumusintha kaganizidwe kake. AchiSikh, Jaini, ndi ena otero, kusintha kaganizidwe kawo."

²⁶ Ine ndinati, "Ife tiri nacho chinthu chomwe chomwecho mu United States. A Methodisti onse amafuna kuwapanga a Baptisti onse kukhala a Methodisti, ndipo a Pentekoste

amafuna kuwatenga a Methodisti onse ndi kuwapanga iwo akhale a Pentekoste. Kumeneko ndi kusintha kwa kaganizidwe. Koma zimenezo si zimene ife tikuzikamba. Ife tikukamba zokhudza Mulungu, Mlengi.” Ndipo ine ndinati, “Ndithudi Mlengi akhoza kuyankhula.” Ndipo, tsopano, ine sibwenzi nditanena zimenezo ngati masomphenya amenewo akanati asakhale pamenepo, mwa njira iliyonse. Tsopano ine ndinati, “Tsopano, ngati Mmodziyo, tiyeni timulole Iye akhale Mulungu, bwerani mudzamupatse iye kупеня kwake.” Ndipo ine ndinati, “Tsopano ine ndikumubetchera wansembe aliyense kapena Raja, kapena mwamuna woyera kapena chirichonse chimene chingakhale, bwerani mudzamupatse iye kупеня kwake, ndipo ine nditsatira mbalume yanu, inu mwapanja otembenuzidwa.” Ndipo limenelo linali gulu la anthu achete kwambiri limene ine ndinayamba ndalimvapo. Mukuona? Palibe amene anachita izo.

²⁷ Ndipo ine ndinati, “Inu mwakhaliranji chete choncho?” Ine ndinati, “Chifukwa chimene inu mwatero, ndi chifukwa chakuti inu simungachite izo, ndipo inenso sindingachite. Koma Mulungu wa Kumwamba Amene anamuwukitsa Mwana Wake Yesu Khristu, amene wantchito Wake ife tiri, wangondiwonetsa kumene ine masomphenya kuti bamboyu alandira kупеня kwake.” Mukuona? Ine ndinati, “Tsopano, ngati izo sizitero, ndiye inu mukhoza kundilamulira ine kuti ndituluke mu India. Koma ngati izo ziri chomwecho, mmodzi aliyense wa inu mukuyenera kuperekayo moyo wanu kwa Yesu Khristu. Ine ndikufuna kuti ndikufunensi inu, ndi angati muno amene muti mupereke moyo wanu kwa Khristu ngati bambo wakhungu uyu ati alandire kупеня kwake? Inu mukuawona ansembe anu, palibe amene wabwera pano. Bwanji iwo sakubwera, ngati iwo amakuuzani inu kuti chipembedzo chawo ndi chachikulu kwambiri ndi chopambana? Bwanji winawake sakubwera ndi kudzanena chinachake?” Palibe wabwera. Ine ndinati, “Ndiye anthu inu kunja uko, ngati mumuwona bambo wakhungu uyu akuimirira pano...”

²⁸ Ndipo panadzbawera dokotala kuti adzapime maso ake. Iye anagwedeza mutu wake, iye anati, “Iye ndi wakhungu.”

²⁹ Ndipo chotero ine ndinati, “Ndithudi, iye ndi wakhungu.” Koma ine ndinati, “Ngati... Ndipo ngati Mulungu ati amupatse iye kупеня kwake, ndi angati a inu ati akamutumikire Yesu Khristu?” Ndipo utali wa mmene ine ndimatha kупеня nyera, panali nyanja za manja akuda. Ndinatembenukira kwa bamboyo, ndipo ndinati, “Ambuye Yesu, mulole chidziwiike kuti Inu ndi Mulungu.” Bamboyo anadzandigwira ine pakhos, ndipo apo panali patakhala ameya a Bombay, anadzamugwira iye pakhos, akupenya bwinobwino chimodzimodzi monga aliyense.

³⁰ Ndi chiyani chimenecho? Ndicho—ndicho kwenikweni mphamvu! Mulungu ndi Mulungu, ndipo Satana ndi Satana! Ngati inu simukhulupirira za mdierekezi... Pamene ine

ndinkayamba poyamba, ine—ine ndinkakumanizana naye iye tsiku ndi tsiku. Musandiuze ine kuti kilibeko mdierekezi, chifukwa ine ndikudziwa bwinoko. Ine ndimamenyana naye iye tsiku ndi tsiku. Chotero ine ndikudziwa alipo—alipo mdierekezi. Ndipo inu mukuyenera kuphunzitsidwa pamene inu mukumana naye iye. Osati kuphunzitsidwa mu zamalingaliro, osati kuphunzitsidwa mu maphunziro; koma kuphunzitsidwa ndi Mzimu Woyeria; mphamvu ya Mulungu italowa mu Mawu Ake kuti ikawawonetsera Iwo. Muzimudziwa mdani wanu. Oh, iye ndi chinthu chankhaza bwanji!

³¹ Mmene ine ndingakondere kuyima pano tsopano ndi kuyala pa zimenezo, kubwerera kudutsa mu Baibulo ndi kukakuwonetsani inu mwamuna kumbuyo uko amene anakumanizana naye maso ndi maso. Momwe pamene anali mu mpikisano ndi mdani, iwo anadzimangira linga okha ndi Mawu a Mulungu. Nowa anali ndi chomuchitikira cha zimenezo, ndipo iye ankadziwa kuti Mulungu anamuza iye kuti ivumba mvula. Ndipo mpikisano unayambika pakati pa sayansi ndi Mawu a Mulungu: Sayansi inkati, “Izo sizingachitike.” Mulungu anati, “Izo zikitika.” Ameni.

³² Chinthu chomwe chomwecho chiripo lero. Ichochikitika! Ichochimachitika! Alipo adierekezi! Koma Yesu anawathamangitsa iwo, ndipo Iye anawupatsa Mpingo Wake ulamuliro kuti uzichita zimenezo, “Muzitulutsa ziwanda mu Dzina Langa!” Iye anatulutsa ziwanda seveni mwa mkazi wokongola tsiku lina. Ndipo Iye anati, “Pamene mzimu woyipa utuluka mwa munthu, iwo umakayenda mmalo owuma, umadzabwereranso pamene, ukubweretsanso ziwanda zina seveni limodzi naye.” Tsopano, zimenezo zimasonyezera kuti ngati munthu wayeretsedwa ku ziwanda, panali chinachake chomwe chimakhala mwa iye chimene chatulukamo. Mdierekezi watulukamo! Tsopano, pamene mdierekezi wasamuka, zikatero Mulungu... zimamupatsa Mulungu mpata kuti allowemo. Chotero, ndipo pamene iye atuluka, muzilola Mzimu Woyeria uzilowamo. Musangozisiira izo pamene. Ngati inu mungolapa machimo anu ndi kumangopitirira, ndiye inu mudzakhala mukuipiraipira kuposa kale. Koma mutenge malo awo amene Satana amakhalamo ndi kudzadzamo, adzadzitseni iwo ndi Mzimu Woyeria wa Mulungu, ndipo mukatero inu mudzakhala ndi mphamvu ya Mawu a Mulungu mwa inu, ikuwonetedredwa, ndi kumatulutsa ziwanda. Mpikisano ukuchitika. Kuwala kwa madzulo kukuwala. Mzimu Woyeria wa Mulungu ulipo.

³³ Ndipo tsopano ndi pafupifupi—pafupifupi maminiti atatu kuti ikwane nthawi imene makherere akhale akulizidwa, ndipo pakhala pakati pa usiku. Ndiye pamene ife tizichoka mchipinda chino, kumapita ku malo athu osiyanasiyana ndi ku nyumba zathu, ndi kukakumana kunjako, ndi kukakumana ndi dziko lapansi, tiyen'i tisapite monga ife timachitira mu

nthawi zakale. Tiyeni tipite mu mphamu ya chiukitsiro Chake. Tiyeni tipite mu Dzina la Yesu Khristu, tiri ndi mbendera itakwezedwa mmwamba, ndi chikhulupiro mu Mawu Ake, kuti tikagwire Lupanga lakuthwa konse konse, titavala chishango ndi zida zonse za Mulungu, kukakumana naye mdani, chifukwa iye akumakhala wamphamu ndi wamphamu kwambiri tsiku lirilonse. Pamene m—pamene mdani akubwera ngati chigumula, Mzimu wa Mulungu umakweza muyeso kukalimbana naye. Ngati ife tafika kumapeto a zinthu izi zimene ife...ndipo zinsinsi za Mulungu zamalizika palimodzi nafe, ife tikufunafuna mphamu zina zowonjezera, mphamu yokwatulitsa, kukakumana ndi...mphamu yoipa, imene idzaukwatule Mpingo ndi kudzawutengera Iwo mu Ulemelero. Ife tikuyenera kukhala nayo iyo. Tiyeni tikumane naye '63 ndi kubetchera uku, kwakuti, ife ndi antchito a Mulungu wamoyo! Ndipo monga Shadreki, Misheki ndi Abednego akale, ife sitiwadira adierekezi a dziko lino ndi kuchichotsa chinthu ichi chimene ife tachikamba, koma tiyeni tiimenye nkondoyo.

³⁴ Ine ndikumverera usikuuno, pamene ife tiddzimvetsera makherere amenewo, chinachake chonga chimene Davide anachita usiku wowopsya wotentha uja pamene iye anagona kunja uko pansi pa tchire la nthudza lija, ndipo mdani anali akuchita ukali. Linali ora lotani limenelo kwa Davide! Inali nthawi yotani kwa iye atagona pamene! Iye samadziwa kuti achokepo bwanji, iye samadziwa kuti apite pa chiyani, chifukwa iye ankadziwa kuti iye anali ocheperapo. Koma, mwakamodzi, iye anamva phokoso la Mphepo likudutsa pamwamba pa tchirelo. Iye anadziwa kuti Mulungu wapita patsogolo pake, ndipo iye anapita ku nkondoko. Ine ndikumverera chinachake chonga chimenecho usikuuno, utatha Uthenga wa usiku watha, ine ndagona mu ora la mdima limene ine ndinayamba ndakumanizanapo nalo mmoyo mwanga. Ine ndikumverera ngati Yesaya ali mu kachisi atatha kuwona angelo amenewo, ndine mwamuna wa milomo yakuda, ndipo ndikukhala pakati pa anthu a milomo yakuda. Koma mveterani, ine—ndine...ine ndikuyenera kudzakumana nazo izo mwanjira inayake, ndipo, chinthu chokhacho, ine ndikudikira kuti ndidzamve mkokomo uja ukudutsa mu tchire la nthudza, kupita kukakumana ndi mdani kulikonde kumene iye ali. Mulungu tithandizeni ife kuti tichite zimenezo.

³⁵ Ndipo tsopano ine ndikuganiza ndi wani miniti kuti ikwane thwelofu koloko. Ndipo '62 ndi zakale zake zonse, tiyeni tilole izo zikhale zakale.

³⁶ Tiyeni tiime pa mapazi athu tsopano, wina aliyense wa ife. Mpikisano uli mkat. Mmodzi aliyense wa inu...Paulo anati, "Kuiwala zinthu izo zimene ziri zakale," zolakwitsa zathu zonse za chaka chatha, "Ine ndikukakamira molunjika kukuitana kwa pamwamba." Zolakwitsa zanga zonse zimene ine ndapanga

mu zaka zonsezi, mundikhululukire ine chifukwa cha izo. Mulungu, mundikhululukire ine. Mpingo, mundikhululukire ine. Ndipo utumiki umene ine—ine ndawulephera, ine ndikumverera; Mulungu, mundikhululukire ine zolakwitsa zanga. Ndipo ine ndikakamira molunjika kukuitana kwa pamwamba mwa Khristu Yesu. Chirichonse chimene chiri cha mawa, ine sindikudziwa, koma ine ndikudziwa Amene akusungira 1963.

³⁷ Tiyeni tikwezere manja athu kwa Mulungu tsopano ndipo tiyeni ife tipemphera mwanjira yathu yathu, pamene ife tikupanga kuvomereza kwathu, ndi kumupempha Mulungu kuti atithandize ife kudutsa chaka chikubwerachi.

³⁸ Atate Akumwamba, pamene ife taima pano, pamene malingaliro ambiri akufa mmitima mwathu, ndi zolakwitsa za chaka chatha, ndipo pamene ife tikuyandikira kufa kwa '62 ndi kubadwa kwa '63, O Mulungu, mutilole ife tikwere sitepe imodzi patsogolo pa makwerero, mpaka ife tizitha kumuwona Yesu ndi dongsolo Lake. Mulole aliyense pano, Ambuye, mu pemphero, pamene chaka chakale chikufa, ndipo kubadwa kwatsopano kwa chaka chatsopano kukubwera, mulole tchimo la munthu wakale ndi kusakhulupirira zife mu mtima mwathu, ndipo Kubadwa kwatsopano kubweremo ndi 1963, monga Mphepo ya mkokomo, wamphamvu imene ikhoza kudzadza umunthu wathu ndi kutipanga ife kukhala zolengedwa zatsopano mwa Khristu.

³⁹ Tipangeni ife tikhale antchito okwanira. Mukhululukire kale lathu. Mudalitse tsogolo lathu. Mutilondolere ife, O Ambuye Mulungu, ndi dzanja Lanu lamphamvu, Yehova. Adalitseni atumiki awa pano. Adalitseni anthu onse, alendo onse. Inu mukhale nafe, Ambuye. Ife ndi antchito Anu ndipo tikudzipereka tokha mwathunthu kwa Inu kmu 1963, kuti mphamvu ya Mzimu Wanu ikakhoze kukhala ndi uyambiriro wochuluka mmoyo wathu ndi mu umunthu wathu. Tithandizeni ife, Mulungu. Tikhululukireni ife ndipo mutithandize ife, ife tikupemphera. Dzutsani amuna amphamvu! Dzutsani ankondo amphamvu a Chikhulupiriro! Mutsegule chaka chino, Ambuye, Mana obisika aja, Thanthwe lija lapansi pa thanthwe, kuti ife tikathe kuwona dongsolo la Mulungu. Avulenzi zivinikiro mapiramidi a moyo wathu, Ambuye; muikepo Mwalawapamutu, Khristu Yesu, pa wina ndi aliyense wa ife. Mulole madalitso Ake aakulu, oyera akhale pa ife tonse. Mulole moto wa Mzimu Woyerwa ubwera pa ife. Mulole mphamvu ya chiukitsiro iwoneteredwe. Mulungu, mmene ife tikkuthokozerani Inu, usikuuno. Ife ndi Anu. Ife tikudzipereka tokha kwathunthu kwa Inu, Ambuye.

⁴⁰ Pamene ine ndizipita kutsidya, osadziwa kuti ndikuti kapena motani, kapena chimene ine nditi ndikachite, ine ndikudalira Inu, Mulungu Wamphamvuzonse, kuti Inu mundilondolera ine, wantchito Wanu wopanda phindu, kuti

ine ndikakhoze kugwiritsidwa ntchito kwa ulemu ndi ulemelero wa Wamphamvuzonse. Perekani izi, Atate.

⁴¹ Mulandire mapemphero athu. Mudalitse kuyesetsa kwathu. Muchiritse odwala ndi osautsika, zonse mwauzimu ndi muthupi. Ndipo mutipange ife antchito Anu. Ife ndi dongo, Inu ndi Wowumbayo. Tiwumbeni ife, aliyense, mwanjira Yanu Yomwe, kuti ife tikakhoze kukwanira limodzi ndi Khristu Yesu, ngati chiwalo cha Thupi Lake. Pakuti ife tikupempha izi mu Dzina la Yesu, ndi chifukwa cha Iye ndi chifukwa cha Uthenga. Ameni ndi ameni.

[M'bale akuyankhula mu lirime lina. M'bale wina akupereka kutanthauzira—Mkonzi].

⁴² Zikomo Inu, Atate Mulungu. Ife tikukuthokozani Inu chifukwa cha chirimbikitso cha Chaka Chatsopano ichi chimene chikutitumiza ife ndi ziymbekazo ndi chitonthozo chodziwa kuti kudzera mu kuyankhula kwa mawu awa kwa anthu awa amene samadziwa, kuti Uthenga ndi woona, ndipo Inu mukutipempha ife kuti tiime ndi Iwo. Ife tikachita zonse zimene ife tikuzidziwa, Ambuye, kuti tikaime ndi Inu ndi Mawu Anu.

⁴³ Tilandireni ife mu Dzina la Iye Amene anatiphunzitsa ife tonse kuti tizipemphera monga chonchi, [M'bale Branham ndi osonkhana akupemphera pamodzi—Mkonzi]: “Atate athu Amene muli Kumwamba, Dzina Lanu liyeretsedwe. Ufumu Wanu udze. Kufuna Kwanu kuchitidwe pansi pano, chomwechonso Kumwamba. Tipatseni ife lero chakudyu chathu cha lero. Ndipo tikhululukirenzi ife zolakwa zathu, monga ife tikukhululukireni iwo amene atichimwira ife. Ndipo musatitengere ife kokatiyesa, koma mutipulumutse ife kwa woyipayo; pakuti Wanu ndi Ufumu, ndi mphamvu, ndi ulemelero, kwanthawizonse. Ameni.”

⁴⁴ Ambuye akudalitseni inu ndipo akusungeni inu. Koma iwo tsopano amene akuyenera kuti azipita mmakwawo... Tsopano ndi maminiti faivi itadutsa, ndi maminiti faivi mu '63. Tsopano Mulungu akudalitseni inu. Ndipo—ndipo inu amene mukufuna kutsalira chifukwa cha mganero, ndinu olandiridwa basi kuti mutsalire, ife tikhala okondwa kukhala nanu inu. Iwo si mganero wodzitsekera, iwo ndi wa wokhulupirira aliyense amene ali mu chiyanjano ndi Khristu. Ndinu olandiridwa kuti mutsale ndi kutenga mganero limodzi nafe. Ndipo chifukwa chimene ife timachitira izi ndi chifukwa chakuti ichi ndi chinthu choyambirira, ife tikuyamba ulendo. Ndipo Israeli, iwo asanayambe ulendo wawo, iwo anapha mwawankhosa ndipo anadya masamba owawa, ndipo anauyamba ulendo wawo. Ndipo ine ndinaganiza, “Izi ndi zojenera bwanji usikuuno!” Mwanawankhosa waphedwa, Iye wakonzedwa, phwando, ndipo ndi pakati pa usiku. Ndi pamene iwo ankadya iye, inu mukudziwa, pakati pa usiku. Chotero tiyeni. Inu amene

mukufuna kuti mukhale nafe ndi kukonzekera ulendowu umene ukubwera, umene uli kutsogolo, ife tikhala okondwa kukhala nanu. Mulungu akudalitseni inu.

⁴⁵ Ndipo inu amene mukuyenera kuti muzipita tsopano, mukhoza kumapita ku nyumba zanu, ndipo Mulungu akhale nanu mpaka ine ndidzakomane nanu kenanso. Ameni. Ena nonse a inu mukhoza kuhala ndiyено ife tiyamba mgonero. Mlongo a... Chabwino, bwana.

Mpaka tidzakomane! mpaka tidzakomane!
Mpaka tidzakomane pa mapazi a Yesu; (mpaka
tidzakomane)
Mpaka tidzakomane! mpaka tidzakomane!
Mulungu akhale nanu mpaka
tidzakomanenso!

⁴⁶ Tiyeni tiyimbe iyo kenanso pamene ife tikudikirira, inu mukudziwa, iwo amene akutuluka. Kuti mukhale chete, ndiyeno ichi ndi chinhu chosamalitsa kwambiri. Ine ndiwerenga chinachake kuchokera mu Lemba apa mu kamphindi chabe chimene chiri kwambiri, kwambiri, chabwino kwambiri. Ndipo tsopano tiyeni tiyimbe iyo kenanso.

Mpaka tidzakomane! Mpaka...

Tiyeni tingogwirana chanza ndi munthu wina. Ngati muli chinachake cholakwika mmoyo mwanu, munthu ameneyo ali pano amene inu munamulakwira, pitani kwa iwo tsopano ndipo mukachikonze icho.

Mpaka tidzakomane! mpaka tidzakomane!
Mulungu...

Walimba angabwere pa limba, chonde?

...nanu mpaka tidzakomanenso!

Mpaka ife...

⁴⁷ [M'bale Neville akuti, "Mulungu akudalitseni inu, M'bale Branham."—Mkonzi]. Ine ndikupereka zonse izi mmanja mwanu, M'bale Neville. ["Ambuye akudalitseni inu. Ine ndikukhulupirira....?...."]....?

Mpaka tidzakomane!
Mulungu akhale nanu mpaka
tidzakomanenso!

Mulungu akudalitseni inu, m'bale.

Iye asamala inu,
Iye asamala inu;
Mkuwala kapena mthunzi,
Iye asamala inu.

Tiyeni tiyimbe iyo kenanso.

Iye asamala inu,
 Iye asamala inu;
 Mkuwala kapena mthunzi,
 Iye asamala inu.

⁴⁸ Nzokongola zimenezo? Tiyen iyi yimbendo iyo pamene iwo akukhala chete.

Iye . . . (mungotseka maso anu) . . . inu,
 Iye asamala inu;
 Mkuwala kapena mthunzi,
 Iye asamala inu.

⁴⁹ Atate Akumwamba, ife tiri okondwa kwambiri kuti ife tachipeza icho kuhala choona, mu maora athu a mdima kapena kudutsa mkuwala, Iye samatisiya kapena kutitaya. Ndife okondwa kwambiri chifukwa cha icho chimene ife tiri nacho, zidaliro zathu sizinamangidwe pa china chirichonse chochepera kuposa Magazi a Yesu ndi chirungamo. Ife tikudalira, Ambuye, osati mu kutchuka kwa dziko lino. Ife tikudalira, ife sitikuyerekeza kudalira chimango chokoma, koma mwamphumphu tikutsamira pa Dzina la Yesu. Mmene ife tikukuthokozerani Inu, Atate.

⁵⁰ Tsopano ife tatsala pang'ono kuti titengepo gawo mu chimodzi cha—chimodzi cha zochitika zapang'ono zogwirika zimene Inu munatisiira ife. Chimodzi cha izo chinali ubatizo, china chinali mgonero, ndipo chotsatira chinali kutsukana mapazi. O Mulungu, ife tikungolowa mosamalitsa, podziwa kuti Mwanawankhosa uyu ndi Mwanawankhosa wa pasaka. U—ulendo waukulu wa mchipululu unali uli patsogolo pa anawo. Magazi amayenera ayikidwe kaye poyamba pa mphuthu ya chitseko, asanadye mwanawankhosa wa pasaka.

⁵¹ Mulungu, fufuzani mitima yathu tsopano. Kodi Magazi alipo pamene, Ambuye? Ngati palibepo, ife tikupemphera kuti—kuti Inu mupakepo iwo tsopano, muchotsepo machimo athu ndi kuwaphimbapo iwo, ndipo iwo asudzulidwa kwa ife, Ambuye, machimo a dziko lino, kuti ife tikakhoze kuhala oyera ndi owoneka bwino kwa Atate athu tsopano pamene ife tikubwera kuti tidzadye thu—thupi ndi Magazi okhetsedwa a Mwanawankhosa wathu, Mwana wa Mulungu, Mpulumutsi wathu. Fufuzani mitima yathu pamene ife tikuwerenga, Atate, ndipo kenako mutipange ife a Inu Mwini. Pakuti ife tikupempha izi mu Dzina la Mwanawankhosa, Yesu Khristu. Ameni.

⁵² Mu Bukhu la—la Akorinto, mutu wa 11, ine ndikufuna kuti ndiwerenge ndime pang'ono, kuyambira ndi ndime ya 23 ine ndikuwerenga izi. Ameneyo ndi Paulo akuyankhula ku mpingo waku Akorinto.

*Pakuti ine ndinalandira kwa Ambuye chimene inenso
 ndinachiperekwa kwa inu, Kuti Ambuye Yesu usiku*

womwe uja...umene iye anaperekedwa anatenga mkate:

Ndipo pamene iye adaperekwa kuyamika, iye ananyema iwo, ndipo anati, Tengani, ndipo idyani: ili ndi thupi langa, limene lanyemedwera inu: izi muzichita pokumbukira ine.

Momwemonso iye anatenga chikho, ndipo pamene iye anadya, anatenga chikho, koma pamene iye anadya...

Pepani. Ndiloleni ine ndiwerengeno izo.

Momwemonso iye anatenga nayenso chikho, ndipo pamene iye anadya, anati, chikho Ichi ndi chipangano chatsopano mu magazi anga: izi muzichita mu chikumbutso, nthawi zonse pamene inu muzimwa ichi, pokumbukira ine.

Pakuti monga nthawizonse pamene inu mukadya mkate uwu, ndi kumiwa chikho ichi, inu muwonetsera imfa ya Ambuye mpaka iye adzadze.

Chotero aliyense amene adzadya mkate uwu, ndi kumwa chikho ichi cha Ambuye, mosayenera, adzakhala akuchimwira thupi ndi magazi a Ambuye.

Chotero munthu adziyese yekha, ndipo chomwecho adye mkate, ndi kumuvera chikho chake.

Pakuti iye wakudya ndi wakumwa mosayenera, adya ndi kumuvera chiwonongeko kwa iyemwini, ngati sazindikira thupi la Ambuye.

Chifukwa cha ichi ambiri adwala ndi kufooka pakati panu, ... ambiri agona.

Pakuti ngati ife tingaziweruze tokha, ife sitiyenera kuweruzidwa.

Koma poweruzidwa, ife tilangidwa ndi Ambuye, kuti ife tisadzaweruzidwa ndi dziko.

Chotero, abale anga, pamene inu mubwera pamodzi kuti mudzadye, lindanani wina ndi mzake.

Ndipo ngati munthu wina ali ndi njala, muloleni iye adye kunyumba; kuti inu musabwere pamodzi ku kuweruzidwa. Ndipo zinazo ine ndidzaziika mu dongosolo pamene ndidzabwera.

⁵³ Pamene ine ndikuganiza za izi, nthawi yosamalitsa kwambiri! Izo zinalembewanso kuti pamene mgonero uwu unaperekedwa koyamba, ndi kutsukana mapazi... chimene ife tikuyenera tilumphe usikuuno, chifukwa tiribe madzi. Madzi onse atsekeda, ndipo ife tinalibe ngakhale malo odzithandizira usikuuno, chifukwa iwo amangoyenera kuti alumikize izo pamodzi mopambana mmene iwo akanathera, kuti ife tikhale ndi msonkhano uwu usikuuno. Koma ife tichita monga iwo

anachitira, anati, ine ndikukhulupirira Luka ananena zimenezo, kuti "Iwo anayimba nyimbo ndipo anatuluka." Koma kodi inu mukudziwa chimene izi zikuimira? Kodi inu mukudziwa, pachiyambi, pamene dongosolo ili linapangidwa poyamba mu Israeli, uko mu Igupto, iwo anali ali pa njira yawo akupita ku dziko lolonjezedwa. Ndipo ndi momwe ife tikumverera usikuuno, kuti ife tiri pa ulendo wopita ku Dziko Lolonjezedwa. Ndipo ulendowo uli patsogolo pathu.

⁵⁴ Ndipo iwo anali ndi chizindikiro, kuti pamene mngelo wa imfa azidutsa, kuti pakuyenera padzakhale magazi pa chitseko, kapena mwana wamwamuna wamkulu kapena mwana wamkulu afa mnyumbamo. Lingalirolo linali lakuti, ndipo tanthauzo lenileni linali, poyamba apake kaye magazi. Kodi inu munazindikira mmene Paulo anaziikira izo apa? "Ngati wina adya mosayenera, iye adya ndi kumwa chiwonongeko kwa iyemwini, posalizindikira thupi la Ambuye," chimene chikutanthauza chinthu chomwecho, kuti imfa, imfa yauzimu, imakhala pa munthu amene angatenge mgonero wa Ambuye mosayenera. Izo zikhoza kukhala, kupita kumakamwa ndi kumapitirira, ndi kumakhala monga dziko, nkubwera pa gome la Ambuye. Ife tisamachite zimenezo. Tsopano tiyeni tiyeretse mitima yathu ndi kuyeretsa manja athu ku...ndi malingaliro athu ku kuganiza konyansa, kuti tithe kubwera pa gome la Ambuye, molemekeza ndi oyera, pamene ife tikudziwa kuti ife tikudzilumikizitsa tokha ndi Nsembe yathu, Khristu Yesu, Amene ali chipulumutso chathu chokhacho.

⁵⁵ Ndipo tsopano, usikuuno, mmene ife timachitira izi, mmodzi wa akulu a mpingo adzaima apa, M'bale Zabel. Ndipo ine ndikuganiza, M'bale Zabel, usikuuno, ngati inu mungaitane kuchokera pa nsanja poyamba, kuti anthu awa athe kubwera kuchokera pa nsanja ndipo adzapange mzere wanu woyamba apa, ngati inu mungathe. Tsopano, M'bale Zabel akutsogolerani inu, ndi mphindi pang'ono, mwamsanga tikadalitsa mgonerowu.

⁵⁶ Mkate wopatulika uwu, umakonzedwa ndi Akhristu. Iwo ndi mkate wopanda chotupitsa. Ndipo ngati inu mungazindikire izo, pamene inu muziyika iwo mkamwa mwanu, iwo ndi wokhakhala, kuti uziwawa. Iwo ndi wamakwinya ndi wonyemedwa, wosakanizidwa, zimenezo zikutanthauza wonyemedwa, thupi lonyemedwa la Ambuye Yesu wathu. Oh, pamene ine ndingoganiza za izo, mtima wanga umakhala ngati walumpha kugunda! Pamene ine ndiganiza kuti Iye anasasantheidwa ndi kutunduzidwa ndi kukantheidwa, Mwana wa Mulungu wosalakwa! Kodi inu mukudziwa chifukwa chimene Iye anachitira zimenezo? Chifukwa ine ndinali wolakwa. Ndipo Iye anadzakhala ine, wochimwa, kuti ine mwa Nsembe Yake ndikhoze kukhala wofanana ndi Iye, mwana wa Mulungu. Ndi Nsembe bwanji!

Tiyeni tiweramitse mitu yathu.

⁵⁷ Mulungu Woyerwa kwambiri, pamene ine ndagwirizira mbale yaying'ono ya chitsulo iyi usikuuno, mkate uwu umene ukuimira thupi lonyemedwa, losasanthidwa, lotunduzidwa, lokanthidwa la Ambuye wathu, kumene mneneri uja anafuula, "Iye anavulazidwa chifukwa cha zolakwa zathu, anatunduzidwa chifukwa cha kusaeruzika kwathu, chilango cha mtendere wathu chinali pa Iye, ndipo ndi mikwingwirima Yake ife tinachirtsidwa." Oh, mmene ife tikukumbukirira zimenezo, Ambuye! Pamene ine ndikuzimangiriza ndekha ku Nsembe imeneyo usikuuno, ndi omvetsera awa chimodzimodzi, Ambuye, ku Nsembe, mulole ife tizikumbukira Ambuye athu, imfa Yake ndi kukwapulidwa Kwake, ndi zonse zimene Iye anadutsamo chifukwa cha ife, pamene ife tikutengera mkate uwu mkamwa mwathu. Mulungu, ndife anthu osayenera. Ife sitiri okwanira pa chinthu choyerwa choterechi, chotero mulole chiyero Chanu, Ambuye, Kukhalapo Kwanu ndi Magazi Anu, atsuwe mitima yathu. Ndipo pamene ife tikulandira izi, mulole ife tichikhazikitse mmalingaliro athu kuti mosalekeza tizikamutumikira Iye usana ndi usiku, masiku onse a moyo wathu. Tsopano moyeretse mkate uwu ku ntchito yake yomwe wakonzedwera. Ife tikupempha mu Dzina la Yesu. Ameni.

⁵⁸ Ndipo ine ndanyamula ichi mmanja anga, monga sate-... pafupifupi zaka sate firii za utumiki zimene ine ndawatumikira Ambuye wanga, ndipo ndikuzichitira ndekha manyazi. Koma ine ndikuganiza, ine ndikanachita chiyani ngati ine ndikanakhala ndi madontho awiri enieni a Magazi Ake nditawagwira mdzanja langa usikuuno? Ine ndikanachita nawo chiyani iwo? Koma, inu mukudziwa, ine ndinali nacho mmanja mwanga usikuuno, pamaso Pake, chopambana, ndi wogulidwa ndi Magazi Ake, Mpingo Wake. Chotero pamene ine ndanyamula ichi, ndi madzi a mphesa izi, ine ndikuganizira za zimenezo. Iye anati, "Ine sindidzamwanso za chipatso cha mphesa mpaka ine ndidzamwe ndi inu mwatsopano mu Ufumu wa Atate Anga." Ndiye zindikirani kuti ikadzatha nkondo ya tchimo, chinthu choyerwa chimene ife titi tidzachite tikadzakafika kumbali inayo chidzakhala kudya mgonero, mgonero wa Ambuye.

⁵⁹ Ndipo tiyeni tiweramitse mitu yathu tsopano pamene tikudalitsa vinyo uyu. Atate athu Akumwamba, pamene ine ndikuganiza, pamene ine ndagwirizira vinyo uyu pano amene akuimira Magazi a Yesu, mmene kuti kudzera mu kuyenderera kwa Magazi uko machimo anga anachoka. Iwo anakaikidwa mu Nyanja ya Kuyiwala, ndipo sadzakumbukiridwanso. Ndipo ndi Magazi awa, mnyamata amene ankafa tsiku lina atagona uko mchipatala, ndipo Inu munandipulumutsa ine. O Mulungu, mmene ine ndikukuthokozerani Inu, Ambuye. Ndipo kenako nkudzandipatsa ine udindo, mwa Mzimu Woyerwa, wotsogolera anthu kupita ku Kalvare ndi kukawasonyeza iwo njira ya Kwathu. Zikomo Inu, Atate. Ndipo tsopano yeretsani vinyo

uyu ku ntchito yake moyenera. Ndipo mulole munthu aliyense amene ati atenge chopatulika ichi, usikuuno, alandire mphamvu yauzimu ndi yathupi chifukwa cha ulendo umene uli patsogolo. Pakuti ife tikupempha izi mu Dzina la Yesu. Ameni.

[Osonkhana akupatsidwa mgonero. Malo opanda kanthu pa tepi—Mkonzi].

⁶⁰ Kuyima pano ndi kumawawona mabanja akulowa, ndipo umo ndi mmene ziti zidzakhalire limodzi la masiku awa, banja ndi banja, udindo ndi udindo, gulu ndi gulu, mmodzi ndi mmodzi. Pamene ife tidzakumane naye Iye, iyo idzakhalala nthawi yotani, pamene moyo wa munthu wonse umene wakhala uli pa dziko lapansi, umene unakhulupirira mwa Iye ndi kumudalira Iye, adzakumana kumeneko pa Tsiku limenero. Kodi izo sizidzakhalala zodabwitsa? [Osonkhana akuti, “Ameni.”—Mkonzi].

⁶¹ Ife tiyenera kulumphya kutsukana mapazi usikuuno chifukwa cha madzi. Ife tiribe zipangizo zokwanira pakali pano, ndipo izo zikonzedwa posakhalitsapa, ife tikudalira. Iwo akuchita bwino, ndipo akugwira mwaliwiro pa kachisi watsopanoyu. Komabe ine ndikuganiza kuti izi ndi zoynera kwambiri kukhala ndi mgonero koyambirira kwa chaka monga chonchi, nthawi iyi ya tsiku.

⁶² Tsopano, inu amene mukuchokera kunja kwa tauni, mudzayendetse mosamalitsa kwenikweni mawa pamene mukhale mukupita kwanu. Mulungu akhale nanu. Ndipo inu pano a konkuno, apafupi, Mulungu akhale nanu ndipo akuthandizeni inu. Ndipo tsopano, Ambuye akalola, ndipo ine ndikuyenera kuchokapo chifukwa cha msonkhano wotsatira uwu umene ukubwera ku Arizona, ndiyeno ngati Mulungu alola, ine ndidzakhalala nanunso pa *Zisindikizo Žisanu Ndi Ziwiři*, ndipo monga ine ndalonjezera. Ine ndithudi ndikukhumba mapemphero anu. Ine ndikukusowani inu kwenikweni, chotero musaiwale kundipempherera ine. Ndipo mulole chirichonse chikuyendereni bwino inu. Ndipo ine ndithudi ndikuyamikira kukhalapo kwanu ndi mmene inu mumamvetserera kwa zimene ndimanena mu Uthenga. Ine ndikukhulupirira kuti ife tikupanga kusintha tsopano. Ndipo ine ndine, ine ndikukuthokozani inu chifukwa cha chifundo chanu.

⁶³ Ndipo ambiri a inu mwayendetsa mailosi ndi mailosi kuti mubwere kudzamumvera munthu wophweka ngati ine ndikuyesetsa kubweretsa Mawu a Mulungu. Ine ndikutsimikiza chinali chinachake choposa chimenecho chimene inu munabwera kudzamvetsera pambali pa ine, chifukwa ine ndiribe kanthu kalikonse kamene ine ndikanapereka. Ndine wosaphunzira, ndiribe umunthu, ndiribe kanthu ka ine. Ndiye pamene ine ndiwawona anthu akuyendetsa kwa mahandiredi ndi mahandiredi a mailosi, ndi kuima ndi kudzadikirira pano,

thuu koloko mmawa, izo sizinali chifukwa cha chinachake chimene ine ndinali nacho. Ndi Khristu. Ndine wokondwa kwambiri inu mumamukonda Iye. Ndipo ine ndimamukonda Iye, nanenso. Ndipo pamodzi ife timamukonda Iye. Ndipo chifukwa ife timamukonda Iye, ife sitidzalekana nkomwe. Ife tikhoza kulekana kwa kanthawi pang'ono kuno, pamene nthawi ikupitirira, koma ife tidzakhalanso limodzi kenanso. Ichō chakhala chokhumba changa kuti ndingoyesetsa kuwatsogolera anthu apite ku malo amenewo.

⁶⁴ Ndipo tsopano poyamba chaka chatsopano, ine ndikufuna kunena, osati “Chaka Chatsopano Chokondwa” kwa inu, ine ndikufuna ndinene ichi kwa inu, “Mulungu akudalitsemi inu.” Ndipo ngati Iye angachite chimenecho, ndicho chonse chimene inu mungachisowe mu chaka chikubwerachi. Ndipo ine ndikudalira kuti Iye atero.

⁶⁵ Ndipo ndine, mwa chisomo Chake, ife tiyesetsa chaka chikubwerachi, Iye andisunga ine, akusungani inu, mwa chisomo Chake ine ndikuyembekeza kuti ine ndikhala m'busa wabwino chaka cha mawa kuposa mmene ine ndakhalira chaka chino, ndikuyembekeza ndikhala wantchito wabwinoko kwa Khristu. Ine ndiyesetsa mwamphamvu kuyesetsa kukhala pafupi, woona kwambiri, kuti ndizibweretsa Uthenga chimodzimodzi monga mmene Iye akundipatsira ine, ine ndizibweretsa Iwo kwa inu mopambana mmene ine ndingathere, osabisa kanthu kamene Iye angafune kuti ndikupatsemi inu. Ine ndidzachita zonse zimene ine ndikuzidziwa kuchita kwake. Ndipo ine ndikudziwa inu mukumverera mwanjira yomweyo. Inu—inu mukumverera ngati kuti ife tikufuna kugwira ntchito limodzi tsopano, pakuti kuwala kwa madzulo ndithudi kukuzimirira, ndipo dzuwa likukalowa. Dziko likuzizira, ife tikudziwa zimenezo, kuyankhula mwauzimu, mpingo ukuzizira ndipo chitsitsimutso chatha. Ife sitikudziwa chimene chikubwera motsatira, koma ife tizidalira Mulungu pa chimenecho, chirichonse chimene ichō chiri. Ndipo tsopano monga ife nthawizina...

⁶⁶ Ine ndikufuna kuti inu mukumbukire kuti kachisi pano ali ndi mmodzi wa azibusa apamwamba amene alipo mdziko, M'bale Orman Neville, mwamuna waumulungu, mwamuna wabwino. Ndipo pamene ine kulibeko, M'bale Neville amakhala ndi ulamuliro wonse, chimodzimodzi basi monga ine ndikakhala pano. Matrasti, madikoni, ndi ena otere, ndi akuti azikhala mu maofesi awo monga mmene iwo amachitira. Ndipo pano ndi pa likulu pathu. Pano ndi pamene ife—ife—ife takhazikikapo, pomwe pano. Billy Paul sakakhala nane ine kunja uko, akangokhala nawo pa msonkhanowo, iye azibwerera kuno. Ntchito yonse ndi zonse ziziyendetsedwa kuno chimodzimodzi basi. Ndikungopita uko, zimenezo sizikutanthauza kuti ine ndikukusiyani inu. Ine ndikungopita, inu mukumvetsa,

iwo anangokhala masomphenya. Ine sindikudziwa chimene iwo akutanthauza. Ine ndikudalira ndi kukhulupirira kuti iwo adzakhala kwa ubwino wa Mpingo wonse. Ndipo ine ndikudziwa izo zidzakhala za ubwino wa ife tonse ngati ife titsatira kutsoglera kwa Ambuye. Ndizo zonse zimene ife tikudziwa mmene tingachitire. Izo si zophweka kwa ine. Ine ndikukumbukira nthawiyina ine ndisanachoke pa tchalitchi kuno. Ena a nthawi yakale mukukumbukira zimenezo, mmene ine ndinkalephera kuti ndichite zimenezo! Ine ndimawakonda anthu.

⁶⁷ Pamene ine ndinali mnyamata wamng'ono sindinkakondedwa, palibe amene ankasamala za ine pamene ndinali mwana, ndipo ine, pamene ndinadzapeza kuti winawake akundikonda ine, ine—ine ndinaganiza, “ndikufuna kuwafera iwo.” Ndipo tsopano, chifukwa winawake akukukonda iwe, winawake akusamala. Ine ndinali kukwera nthawiina pa pholo ndipo chomangira changa chinavuka pa pholo lakale la nkunguza, ndipo mfundu inali pamwamba, ndipo ine ndinaigunda iyo ndi chokwerera changa ndipo ndinatembenuka, ndinagwa pafupifupi mapazi fiftini ndipo chinadzagwira pa nkono wanga. Dona anafulula, ndipo iye anakhala ngati anadzazisasa yekha monga *choncho*. Ine nthawizonse ndinkamukonda dona ameneyo, iye anasamala. Iye anali winawake amene anasamala. Ndipo ine nthawizonse ndinkaganiza, “aliyense amene akundisamalira ine, ine ndimawakonda iwo.”

⁶⁸ Ndipo kuno nthawi ina yapitayo ine ndinali kumusi kwa tauni, ine ndinkaganiza za mmene masiku ankakhalira, ndi zimene Mulungu wandichitira ine, ndipo ine ndithudi ndimayamikira. Ndipo ine ndikukuthokozani inu chifukwa cha chikondi chanu ndi chiyanjano. Ndipo ine sindingayesere konse kuti ndikutsogoleren iu molakwika. Izo nthawizonse zidzakhala mwanjira yolondola, mopambana mwa kudziwa kwanga. Ndipo inu mumandijambula ine, ine sindinayambe ndanenapo chirichonse chokhudza inemwini, nthawizonse amakhala ali Yesu Khristu. Mukuona? Mukuona? Ndayesetsa kukhala moyandikira basi mu Mawu Ake mmene ine ndimadziwira kukhalira, kuti ndikutsogoleren iu ndi kukulondolerani inu ku malo awa.

⁶⁹ Ndipo ine ndikukuperekani inu tsopano mmanja a M'bale Neville, poyamba mmanja a Mulungu, ndipo kenako mmanja achisamaliro cha M'bale Neville, kuti akhale m'busa wa mpingowu ndi kuti aziyang'anira chumachi kufikira ine ndidzakhale ndi msonkhano uwu ndi kudzabwererano kwa inu. Ndiyalira kuti podzafika nthawi imeneyo ine ndikhoza kudzakubweretserani inu vumbulutso lalikulu kuchokera kwa Mulungu, limene liti lidzakondoweze mtima uliwonse ndi kulemekeza Mpingo wa Mulungu.

⁷⁰ Ife kawirikawiri timatenga mgonero. Ine sindikufuna kunena mowonjezera, inu mukudziwa mmene ine ndimamverera. Ndipo ine ndikuganiza nyimbo imene ife tiyenera kuyimba pakali pano, *Chikhulupiro Changa Chikuyang'ana Kwa Inu, Inu Mwanawankosa wa Kalvare*. Ndipo pamene ife tikuima ndi kuimba iyo, tiyeni tigwirane chanza wina ndi mzake, ndikuti "Mulungu akudalitseni inu."

Chikhulupiro changa chikuyang'ana kwa
Inu,

⁷¹ Akudalitseni inu, m'bale wanga. Mulungu akudalitseni inu, mlongo. Mulungu akudalitseni inu, mlongo.

Mpul-...

Mulungu akudalitseni inu, m'bale.

...-ngu.

Tsopano . . . (. . . ? . . .)

. . . Wanu kwathunthu!

Tsopano tiyeni tikwezere manja athu kwa Iye.

Chikhulupiro changa chikuyang'ana kwa
Inu,

Inu Mwanawankosa wa Kalvare,

Mpulumutsi Waumulungu;

Tsopano ndimveni pamene ndikupemphera,

Ndichotsereni ine kulakwa kwanga konse,

Oh ndiloleni kuyambira lero

Ndikhale Wanu kwathunthu!

⁷² "Mpaka tidzakomane!" Tiyeni tiyimbe *Mpaka Tidzakomanenso*. Aliyense tsopano tiyeni.

Mpaka tidzakomane! mpaka tidzakomane!

Mpaka tidzakomane pa mapazi a Yesu;

Mpaka tidzakomane!

[M'bale Branham mwakachetechete akuyankhula ndi winawake—Mkonzi.] . . . ? . . .

. . . akhale nanu mpaka tidzakomanenso!

Mpaka tidzakomane! mpaka tidzakomane!

Mpaka tidzakomane pa mapazi a Yesu; (mpaka
tidzakomane)

Mpaka tidzakomane! mpaka tidzakomane!

Mulungu akhale nanu mpaka
tidzakomanenso!

Tiyeni tiweramitse mitu yathu tsopano.

⁷³ M'bale Neville, bwanji, kodi inu simutibalalitsa ife mu pemphero? Mulungu akudalitseni inu.



MPIKISANO CHA62-1231
(The Contest)

Uthenga uwu wa M'bale William Marrion Branham, woperekedwa mu Chingerezi Lolemba usiku, Disembala 31, 1962, ku Branham Tabernacle mu Jeffersonville, Indiana, U.S.A., unatengedwa kuchokera pa matepi ojambulidwa ndi maginito nudindidwa mosachotsera mawu ena mu Chingerezi. Kumasulira kwa Chichewa uku kunadindidwa ndi kugawidwa ndi Voice Of God Recordings.

CHICHEWA

©2020 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chidziwitso kwa ofuna kusindikiza

Mafulu onse ndi osungidwa. Bukhu ili mukhoza ku printa kunyumba kwanu ngati mutafuna kuti mugwiritse ntchito inuyo kapena kuti mukawapatse ena, ulere, ngati chida chofalitsira Uthenga wa Yesu Khristu. Bukhu ili simungathe kuligulitsa, kulichulukitsa kuti akhalepo ambiri, kuikidwa pa intaneti, kukaliika pakuti ena azitengapo, kumasuliridwa mu zinenero zina, kapena kugwiritsidwa ntchito ngati njira yopezera ndalama popanda chilolezo chochita kulembedwa ndi a Voice Of God Recordings®.

Ngati mukufuna kuti mumve zambiri kapena ngati mukufuna zipangizo zina zimene tiri nazo, chonde mulembere ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org